



Акафист

преподобной Алипии, новой

угоднице Божией и дивной

чудотворице

Кондак 1

Избранной от многоликого полка святых
новомученик, во времена новые явившейся для
утешения и вразумления людей заблудших,
града Киева непрестанное заступление, похвалы
смиранные, яко имущей любовь неизреченную
дерзаем принести тебе, зовуща:

Радуйся, мати наша Алипие, любовь велию в
сердце своем стяжавшая.

Икос 1

Ангели удивишася, како немощная жена образу
отец древних во времена сия новыя достойно
подражала еси, сочетая в себе дары Духа

Святаго, явленные для служения Церкви
Христовой, мы же радостно возопиша о тебе:

Радуйся, словом мудрости просвещенная;

Радуйся, слово знания показующая.

Радуйся, силой веры укрепленная;

Радуйся, даром исцелений прославленная.

Радуйся, чудотворице великая;

Радуйся, пророчице изрядная.
Радуйся, Христа в свое сердце вселившая;
Радуйся, в смирении жизнь свою проводившая.
Радуйся, постом плоть свою веселившая;
Радуйся, молитвою душу свою укреплявшая.
Радуйся, милостыню в правило себе вменившая;
Радуйся, любовью прегрешения немощных покрывавшая.
Радуйся, матери наша Алипие, любовь велию в сердце своем стяжавшая.

Кондак 2

Видящи пред собою образ Христа Бога нашего, потщалася еси всем житием Ему Единому последовати и Ему Единому, послужити, восприя слова апостола, яко не имамы zde пребывающего града. Темже вся земная нивчтоже вменила еси, Небесному отечеству последуя, воспевала еси: Аллилуиа.

Икос 2

Разумом Божественным просвещаемая, от юности сердце свое в престол Господа Бога уготовала еси, не убоялася еси оставити отечество и род свой, терпя недостатки и оскорбления, странствуя от храма к храму, тишины Божественныя напитаваясь и подражая всем святым, угодившим Богу, коих весь мир не бе достоин, в пустынях

скитающихся и пропасть земных. Мы же суетнии, вопием:

Радуйся, Церкви Торжествующей прославление;
Радуйся, Церкви земная предстательство и похвало.

Радуйся, благодати Божественная тихое проявление.

Радуйся, людей немощных непрестающее удивление;

Радуйся, от юности Духа Святаго стяжавшая;

Радуйся, душу человеческую прозревшая.

Радуйся, за смирение Господом Богом почтенная;

Радуйся, на подвиг юродства им благословенная.

Радуйся, града Пензы чадо богоизбранное;

Радуйся, родителей благочестивых отрасль святая.

Радуйся, молиться за родителей своих заповедавшая;

Радуйся, молитвою родителей крест свой понесшая.

Радуйся, мати наша Алипие, любовь велию в сердце своем стяжавшая.

Кондак 3

Силою Вышняго чудодействующей, никтоже притекающий к тебе, преподобная мати, неутешен отыде: недугующим являеши

исцеление, скорбящим твое материнское утешение, грешным и отчаявшимся в своем спасении – исправление и скорое у Господа Бога прощение. Кому, как не к тебе притечем ми в покаянии взывая Богу: Аллилуиа.

Икос 3

Имущи сердце, Духом Святым любовь Господню познавшее, в годину тяжкую и испытания час Церкви Российской, егда призва Господь архипастыри и пастыри, монаси и мирстии принести себе, яко непорочное зачение, тогда и ты, преподобная мати, рекла еси со всем собором святых новых мучеников, яко ни скорбь, ни теснота, ни смерть от любве Божия разлучити тебе не возмогоша. Темже чаем недостойными похвалы нашими ублажити тя:
Радуйся, верное чадо Церкви Христовы;
Радуйся, Христа ради в темницу заточенная.
Радуйся, подвиг новомучеников возлюбившая;
Радуйся, чести христианския не посрамившая.
Радуйся, в темнице кротко молившаяся;
Радуйся, гонителям ответа не дававшая.
Радуйся, злобу добром побеждавшая;
Радуйся, терпением врага посрамившая.
Радуйся, к лику новомученик сопричтенная;
Радуйся, от страданий твоих чудесно спасенная.
Радуйся, в час испытания нам помогающая;
Радуйся, в отчаянии утешение дарующая.

Радуйся, мати наша Алипие, любовь велию в сердце своем стяжавшая.

Кондак 4

Буря злобы врага рода человеческого не поколеба тя, преподобная мати наша Алипие, во все житие твое посрамити тя хотящего. Чрез все искушения неврежденно прешла еси. Ныне же тихое пристанище и райское наслаждение обрела еси по слову: «Побеждающему дам вкушать от древа жизни». Темже руководи и духовныя чада твоя, научив нас едиными усты и едином сердцем пети Богу: Аллилуиа.

Икос 4

Слышавше вси народи о велицей любви твоей к страждущим, притекают к тебе и умолкает уныние и отчаяние исчезает, грешницы в скорбех сердца обретают утешение, благодаряще Бога о таковой молитвеннице. Дивны дела твои, Господи, темже, веселящися зовем:

Радуйся, скорбящаго утешение;

Радуйся, заблудшаго печальнице.

Радуйся, страждущаго сострастие;

Радуйся, алчущаго насыщение.

Радуйся, всех в сердце свое вместилище;

Радуйся, любви ко всем пламенение.

Радуйся, молитвеннице теплейшая;

Радуйся, веры православныя ревнительнице,

Радуйся, имущая сердце милующее;
Радуйся, мати наша многоскорбная.
Радуйся, всеми осужденнаго милование;
Радуйся, предстательнице за ны пред Богом.
Радуйся, мати наша Алипие, любовь велию в
сердце своем стяжавшая.

Кондак 5

Чудо преславное сотвори с тобою Господь,
преподобная мати Алипие, егда в темнице ти
сущу явился апостол Петр и ты изведе,
милосердствуя о тебе, яко и сам апостол подобно
спасен быв ангелом Господним. Сего ради во все
житие твое почитала еси святаго апостола,
благодарно вопия: Аллилуиа

Икос 5

Видевше святая милосердие Господне на себе,
восприя спасение из темницы яко знамение -
отныне житие свое милосердием ознаменовати и
людem немощным послужити. Сего ради
смирено мольбы Богу принесе о воскресении
умершия отроковицы и избавлении от глада
бедствующих, исцелив скот их. Несть тыя
болезни, о коей сердце твое не поболезновало и
тыя скорби о коей не поскорбело. Сего ради от
всея души нашея ублажаем тя:

Радуйся, яко чудо воскресения показала еси;
Радуйся, яко в сем преподобному Сергию

уподобилася еси.

Радуйся, яко раны твоими молитвами
исцелеваху;

Радуйся, яко опухоли твоим благословением
исчезоша.

Радуйся, яко врачевание благодатное сокрывала
еси;

Радуйся, яко от славы людския бегала еси.

Радуйся, пищею исцеление содевавшая;

Радуйся, ризам твоим ныне исцеление
подающая.

Радуйся, яко не дар сей получитьи, а угодити
Богу тщалася еси;

Радуйся, яко дар сей Господом Богом тебе
подадеша.

Радуйся, совершительнице многих дивных
чудес;

Радуйся, яко молитвы твоя по любви к тебе
слыша Господь.

Радуйся, мати наша Алипие, любовь велию в
сердце своем стяжавшая.

Кондак 6

Словес евангельских, еже возлюбити ближняго,
яко самаго себе и еже больше сея любви никтоже
имать, да кто душу положит за други своя –
верною исполнительницею показала еси,
преподобная мати, денно и ношно труждаяся на
благо ближняго, сокрушенно моляся Господу

Богу о помощи заблудшим чадом своим, питая и исцеляя, наставляя и утешая. Благодарными усты взываем: Аллилуиа.

Икос 6

Возсия стране нашей благотворный свет великих добродетелей твоих, яко граду Петербургу – блаженная Ксения, яко граду Москве – блаженная Матрона, тако и наш град Киев не остави Господь и яви нам подражательницу дел преподобных отец Печерских. Возлюби бо святая Лавру Печерскую, идеже великие подвиги совершила еси. Мы же вернии радуемся сему:

Радуйся, яко образ юродивый до конца жития приняла еси;

Радуйся, яко Ксении Петербургской подражала еси.

Радуйся, яко приходящаго чадом своим именовала еси;

Радуйся, яко во все житие на ложе не возлегла еси.

Радуйся, веригами тяжкими плоть свою отягчившая;

Радуйся, ключем на выи своей чадо новое знаменовавшая.

Радуйся, яко ключем тем душу человеку отверзала еси;

Радуйся, возлюбити Господа Бога ублажала еси.

Радуйся, яко благодатию Божию души грешныя ко врачевству пакаяния препроводила еси;

Радуйся, яко со ангелы беседовала еси.

Радуйся, пищею малою питавшаяся;

Радуйся, никогдаже в среду и пятницу пищи не вкушавшая.

Радуйся, мати наша Алипие, любовь велию в сердце своем стяжавшая.

Кондак 7

Хотящу волю Господню творити, предала еси себе в послушание старцем Крониду и Дамиану, волю свою отсекаючи, темже в дупло древесное вселилася еси и тамо себе ко благу устраяла еси. Мы же чудяся о таком подвизе паче разумения, хвалебно поем: Аллилуиа

Икос 7

Новую тя во столпницех ревнительницу показа Господь в Лавре Печерстей, идеже телом страдая и болезнуя, Духом Святым исполнилася еси, постом и холодом плоть свою смиряя, духом возносилася еси к собору преподобных отец, помощь их укрепляема, высоты духовной достигла еси. Поминая таковую ревность, вопием:

Радуйся, в ангельский чин старцем Кронидом облеченная;

Радуйся, плотское мудрование отложившая.
Радуйся, молитвою искушения побеждавшая;
Радуйся, терпением волю свою отсекавшая.
Радуйся, нощию к Богу молившаяся;
Радуйся, молитву непрестанну возлюбившая.
Радуйся, яко прах в человецех себе вменившая
Радуйся, во смирении преуспевшая;
Радуйся, в тесноте древесной житие свое
проводившая;
Радуйся, во стоянии присно пребывающая;
Радуйся, никогда же телу своему успокоения не
дающая.
Радуйся, истиннаго самоотвержения
совершенный образе.
Радуйся, мати наша Алипие, любовь велию в
сердце своем стяжавшая.

Кондак 8

Странное и преславное чудо является ныне во
очию всех верных – Долготерпеливый и
Многомилостивый Господь не прогневался на ны
до конца за беззакония наша и помянув милость
Свою, якоже во времена древние тако и ныне,
дарова нам тебе, досточудная мати, заступницу
и утешительницу, пожившую с нами и немощи
наши ведающую. И тако исполни сердца наша
надежды и веселия, вопиющая: Аллилуиа.

Икос 8

Вся любовью к Богу пламенеючи, преподобная Алипие, егда новое гонение воздвижесе на Церковь Христову, пребыла еси на месте, идеже служение отец голосеевских продолжила еси, светя всему миру светом веры и благочестия.

Людие мнози стекахуся, да примут благословение твое. Ты же, аки в пустыне, пребыла еси тамо до скончания жития твоего и ныне приходящим неоскудную помощь подаеши, зовущим:

Радуйся, оврази и холми местом молитвы избравшая;

Радуйся, тамо с нечистыми духи состязавшаяся.

Радуйся, пустыннаго безмолвия любительнице;

Радуйся, места святаго хранительнице.

Радуйся, источник целебный у Бога испросившая;

Радуйся, воду сию молитвою освятившая.

Радуйся, водою твоею подающая исцеление;

Радуйся, подвизавшаяся во спасение.

Радуйся, разрушенные храмы охраняющая;

Радуйся, ангела Престола чтити наставляющая.

Радуйся, пустыни Голосеевския великая похвало;

Радуйся, обители сея воссиявшая славо.

Радуйся, мати наша Алипие, любовь велию в сердце своем стяжавшая.

Кондак 9

Всем приходившим к тебе, преподобная мати, молитв и благословения ради, различными мирскими делы, напастьми и скорбьми отягченных и утисненных, тако утешала, якоже родитель чада своя во обстоянии скорбей и болезней утешает, отраду им своим попечением подавая и матернею любовью тяжесть печалей облегчая. Тобою бо и невернии и безбожнии к Богу притекали суть. Смиренно молим тя: и нам во дни напасти, искушения, недоумения и сомнений притекающим к тебе, возглаголи слово утешения, наставления и ободрения, да поем облагодетельствованнии тобою благодарно Богу: Аллилуиа.

Икос 9

Витий человеческих уста не возмогут описати величие тайны Божией, егда прошедшая и будущая, яко настоящая провидела еси, яко мысли человеческия, аки в книзе написаннии, читала еси, яко от лукаваго стужаемым исцеление скорое подавала еси, яко молитвою твоею страждущии облегчение от болезней получали суть, яко гласу твоему повиновалися стихии земнии, посему недоумением объяти бывше, глаголем:

Радуйся, двухнедельным постом дождь земле испросившая;

Радуйся, дождю не быти повелевавшая.
Радуйся, беду чернобыльскую прозорливо
предрекла еси;
Радуйся, яко молитвами твоими от беды сия
Господь ослабу подаде.
Радуйся, страданиям земли нашей и тварей
бессловесных вельми сострадала еси;
Радуйся, на Страстной седмице быти
страданиям сим предостерегала еси.
Радуйся, учинению раскола быти показала еси;
Радуйся, яко нечестивых обличала еси.
Радуйся, яко введение новаго стиля образно
осудила еси;
Радуйся, яко юродством и образным словом
тайны Божии являла еси.
Радуйся, яко безумием мнимым безумие мира
открывала еси;
Радуйся, слуго Господня верная, благая и
истинная.
Радуйся, мати наша Алипие, любовь велию в
сердце своем стяжавшая.

Кондак 10

Спасительнаго подвига плодами наполняема,
наипаче во смирение облечена была еси,
преподобная мати Алипие, чуждая всякаго
превозношения, служению людем всю себе
предая. Дивно бысть видети тя в ветсей и
многошвенней одежде ходяща, очами светлыми

всех – богатых и убогих, начальников и простых, равно с любовью принимала еси и коемуждо слово на пользу душевную изрекала еси. Темже ныне велиим гласом от всея души нашея вопием: Аллилуиа.

Икос 10

Стена неборимая и заступление граду Киеву явися, всеблагая мати Алипие. Не тщетну сотвори молитву нашу, да живем благословением твоим. Яко не имамы таковыя милостивыя молитвенницы, якоже ты ко Господу Богу. Мы убо чада твои, буди нам мати сострадательная, аще и судом праведным Божиим наказания достойни явимся, веруем бо, яко можеши умолити Господа о нас, да от избытка сердца радостно глаголем:

Радуйся, любящим и чтущим тя ходатаице спасения;

Радуйся, подающая душам и телесем здравие.

Радуйся, евангелия Христова смиренная проповеднице;

Радуйся, апостольских преданий ревностная хранительнице.

Радуйся, яко обличение грешником кротко подавала еси;

Радуйся, яко непричастна лицепрятю была еси.

Радуйся, яко в келии своей явления святых

удостоилася еси;

Радуйся, яко за любовь к людем от врага напасти претерпевала еси.

Радуйся, подвига своего николиже не оставлявшая;

Радуйся, храму Демиевскому усердно прилежавшая.

Радуйся, яко в храме сем икону святых апостолов Петра и Павла почитавшая;

Радуйся, храм сей молитвами своими соблюдавшая.

Радуйся, яко по слову твоему в храме сем прописана еси.

Радуйся, яко радость храму сему собою принесла еси.

Радуйся, мати наша Алипие, любовь велию в сердце своем стяжавшая.

Кондак 11

Пение всеумиленное Пресвятей Троице принесла еси при исходе твоем и яко пшеница зрелая рекла еси со апостолом: «яко время моего отшествия наста. Подвигом добрым подвизахся, течение скончах, веру соблюдох». И ныне уготоваста тебе венец правды, яже дал есть тебе Господь, праведный Судия. Мы же грешнии радуемся прославлению твоему на небеси:
Аллилуиа.

Икос 11

Светозарным светильником была еси, Алипие
всеславная, яже не ставят под спудом, но на
свещнице и светит всем. Тако да просветися
свет твой пред человеки, яко все видехом
добрая дела твоя и прославляем Отца нашего,
иже на небесех. Тебе же, любовьию понуждаеми,
зовем:

Радуйся, яко по кончине твоей с нами
неразлучена еси;

Радуйся, яко крестом чада твоя при кончине
благословила еси.

Радуйся, яко благословение сие хранити
поручила еси;

Радуйся, яко сирот не оставляти обещалася еси.

Радуйся, предстательнице ко Господу
непостыдная;

Радуйся, к Богородице молитвеннице
неусыпная.

Радуйся, любве и сострадания явление обильное;

Радуйся, о душах наших благоприятное
предстательство.

Радуйся, яко по имени твоем пребываеши
беспечальна;

Радуйся, яко пожинаеши плоды вечнаго
радования.

Радуйся, с ликом отец печерских хвалу, честь и
славу Богу приносящая;

Радуйся, яко воспеваеши песнь нову во Царствии Небеснем.

Радуйся, мати наша Алипие, любовь велию в сердце своем стяжавшая.

Кондак 12

Благодать от Бога восприяла еси наставляти нас на путь истины и не дати душам нашим погибнути и умоляеши Господа, да спасет нас имиже весть судьбами и сподобит нас в вечней жизни радостного свидания с тобою, да и мы молитвами твоими достигнем Царствия Царя царствующих и Ему вопием: Аллилуиа.

Икос 12

Поюще кончину твою славную и успение со святыми, провождаше тебе духовнии чада твоя, сердце имеяше многовоздыханно и многоскорбно, но помятуя слова твоя, яко ты не умираеши, заповедь твою соблюдают, приходяще к святым мощам твоим, вопия сердцем и усты тебе:

Радуйся, от мощей твоих многи чудесы являющая;

Радуйся, новыя чада со всех концов собирающая.

Радуйся, благоухание дивное подающая;

Радуйся, свечи над мощами чудесно возжигающая.

Радуйся, светом небесным место сие озаряющая;
Радуйся, яко чада новые молитвы о скорбех
своих сердечно тебе воздают.

Радуйся, яко слезы образ твой источает;
Радуйся, яко миро благоуханное из него
истекает.

Радуйся, яко бесныя многочисленнии тамо
исцелевают;

Радуйся, яко помощь твоя скоро им подадешя.

Радуйся, из погибельныя пучины легко
извлачающая;

Радуйся, яко сердца безбожных чудесы твоими
верою озаряются.

Радуйся, мати наша Алипие, любовь велию в
сердце своем стяжавшая.

Кондак 13

О пречудная мати Алипие! Приими сия
песнопения в похвалу твою воспеваемыя
сердцами, любовию к тебе распаленными. И
якоже прежде, тако и ныне подавай помощь
твою матернюю всем нам требующим твоего
ходатайства пред Богом. И якоже скорби наша
ты сама ведаеши, тако и избавление веси. Нам
же достойно есть воспевати Бога нашего:

Аллилуиа.

Глаголи трижды, затем Икос 1, также Кондак 1